

ORDENANZA FISCAL Nº II.5 REGULADORA DA TAXA DE DEPURACIÓN DE AUGAS RESIDUAIS.

FUNDAMENTO E NATUREZA

Artigo 1º.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases do Réxime Local, e de conformidade co disposto nos artigos do 15 ó 19 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, este Concello establece a TAXA DE DEPURACIÓN DE AUGAS RESIDUAIS, que se rexerá pola presente Ordenanza Fiscal, atendendo as súas normas ó previsto no artigo 57 da citada Lei 2/2004.

FEITO IMPOÑIBLE

Artigo 2º.

1.- Constitúe o feito imponible da taxa a prestación do Servizo de Depuración de Augas residuais vertidas a través da rede de sumidoiros.

2.- A taxa non afecta aos inmobles derruidos, declarados ruinosos ou que teñan a condición de terreo.

SUXEITO PASIVO

Artigo 3º.

1.- Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria ocupantes ou usuarios dos inmobles do termo municipal afectados polo servizo, calquera que sexa o seu título: propietarios, usufructuarios, habitantes ou arrendatarios, mesmo en precario.

2.- En todo caso terá a consideración de suxeito pasivo substituto do ocupante ou usuario das vivendas ou locais o propietario destes inmobles, que poderá repercutir no seu caso sobre os respectivos beneficiarios do servizo as cotas pagadas.

RESPONSABLES

Artigo 4º.

1.- Responderán solidariamente das obrigacións tributarias do suxeito pasivo, as persoas físicas e xurídicas a que se refiren os artigos 41 e 42 da Lei Xeral Tributaria.

2.- Serán responsables subsidiarios os administradores das sociedades e os síndicos, interventores ou liquidadores de quebras, concursos sociedades e entidades en xeral, nos supostos e co alcance que sinala o artigo 43 da Lei Xeral Tributaria.

COTA TRIBUTARIA

Artigo 5º.

1.- A cota tributaria que se esixirá pola prestación do servizo de depuración, determinarase en función da cantidade de auga consumida no inmovble, medida en metros cúbicos, cando exista contrato de subministro e contador, e aplicárase a tarifa para aboados sen contador ou sen servizo de abastecemento nos demais casos. A tal efecto aplicaranse as seguintes tarifas:”.

A) COTA MÍNIMA:

a) Aboado con contador e servizo de abastecemento de auga:

	€/ mes
Uso doméstico	2,980
Uso comercial	4,071
Uso industrial	7,513

b) Aboados sen contador ou sen servizo de abastecemento de auga:

	€/ mes
Uso doméstico	4,208
Uso comercial	5,275
Uso industrial	12,024

B) CONSUMO SERVIZO AUGA:

• Uso doméstico:

	€
Cada m³ consumido	0,104795

• Uso comercios:

	€
Cada m³ consumido	0,104795

• Uso industrial:

	€
Cada m³ consumido	0,104795

C) INDUSTRIAS CON GRANDES CAUDAIS VERTIDOS Á REDE:

Aquelas industrias (ou calquer aboado) que para o seu proceso de produción utilicen medios propios de abastecemento de auga exclusivamente ou conxuntamente con auga da rede municipal, e vertan á rede de sumidoiros un caudal superior ao consumido da rede municipal, co fin de coñecer o caudal vertido, instalarán ao seu cargo aparellos para a medición do devandito caudal que servirá para a facturación por depuración. De mutuo acordo entre a empresa e o concesionario do Servizo Municipal de augas poderase realizar un aforo de caudal vertido a efectos da facturación.

Facturarase de acordo coa seguinte tarifa:

	€
Cota fixa mensual (aboado mes)	7,513
Por cada m ³ vertido (medido ou aforado)	0,104795

2.- As tarifas indicadas incrementaranse có IVE correspondente a cada exercicio.

3.- Aplicarase unha bonificación do 90% da tarifa para aquelas unidades familiares que non cheguen ao Salario Mínimo Interprofesional, así coma para desempregados coas prestacións esgotadas, e dunha bonificación do 50% para as unidades familiares nas que todos os seus membros superen os 65 anos e sexan receptores de ingresos cuxa contía máxima sexa a pensión mínima contributiva.

OBRIGACIÓN DE CONTRIBUIR.

Artigo 6º.

1.- A obrigación de contribuír que orixina o cobro da Taxa, prodúcese cando comeza a actividade municipal que constitúe o seu feito imponible, quere dicir:

a) Desde a data de presentación da oportuna solicitude de licenza de conexión, se o suxeito pasivo a formula expresamente.

b) Desde que teña lugar a efectiva conexión á rede municipal de sumidoiros. O dereito ó cobro por esta modalidade de Taxa producírase con independencia de que se obtivera ou non a licenza de conexión e sen prexuízo da iniciación do expediente administrativo que poida instruírse para a súa autorización.

2.- Os servizos de depuración teñen carácter obrigatorio para todos os inmobles do Municipio que teñan fachada ás rúas, prazas ou vías públicas nas que exista rede de sumidoiros, sempre que a distancia entre a rede e o inmovble non exceda de 100 m. Aínda que os interesados non teñan conexión á rede estará obrigados a contribuír.

DECLARACIÓN, LIQUIDACIÓN E INGRESO.

Artigo 7º.

1.- Os suxeitos pasivos substitutos do contribuínte declararán a alta e baixa no Censo de suxeitos pasivos da taxa, no prazo que media entre a data en que se produza a variación na titularidade da finca e o último día do mes seguinte. Estas declaracións producirán efecto desde a primeira liquidación que se efectúe logo de finalizado o prazo de presentación das mesmas.

A inclusión inicial no Censo farase de oficio despois de concedida a licenza de conexión á rede.

2.- As cotas esixibles por esta Taxa liquidaranse e recadaranse polos mesmos períodos e nos mesmos prazos que os recibos de subministro e consumo de auga, correspondendo a súa xestión ao Concello ou a quen se encomendase a súa concesión.

ENTRADA EN VIGOR

A modificación da presente Ordenanza Fiscal foi aprobada inicialmente polo Pleno da Corporación Municipal en sesión celebrada o 30 de outubro de 2025 e, ao non ser presentadas alegacións, o acordo quedou elevado automaticamente a definitivo, polo que a ordenanza comezará a aplicarse o 1 de xaneiro de 2026, e manterase en vigor mentres non se acorde a súa derrogación ou modificación expresa

Datas anteriores modificacións:

PUBLICADO BOPPO (modificación tarifas): 28/12/2000
PUBLICADO BOPPO (modificación tarifas): 17/12/2001
PUBLICADO BOPPO (modificación tarifas): 30/12/2002
PUBLICADO BOPPO (modificación tarifas): 29/12/2003
PUBLICADO BOPPO (modificación tarifas): 29/12/2004
PUBLICADO BOPPO (modificación tarifas): 28/12/2005
PUBLICADO BOPPO (modificación tarifas): 26/12/2006
PUBLICADO BOPPO (modificación tarifas): 27/12/2007
PUBLICADO BOPPO (modificación tarifas): 26/12/2008
PUBLICADO BOPPO (modificación tarifas): 09/05/2011
PUBLICADO BOPPO (modificación tarifas): 27/12/2011
PUBLICADO BOPPO (modificación tarifas): 28/12/2012
PUBLICADO BOPPO: 30/12/2013
PUBLICADO BOPPO: 30/12/2014
PUBLICADO BOPPO: 29/12/2015
PUBLICADO BOPPO: 30/12/2016.
PUBLICADO BOPPO: 28/12/2017
PUBLICADO BOPPO: 12/12/2018
PUBLICADO BOPPO: 18/12/2019
PUBLICADO BOPPO: 30/12/2020
PUBLICADO BOPPO: 30/12/2021
PUBLICADO BOPPO: 28/12/2022
PUBLICADO BOPPO: 27/12/2023
PUBLICADO BOPPO: 27/12/2024

Data modificación actual:

PUBLICADO BOPPO: 23/12/2025